

It

Haujlai seiz, vunz cungj lumj deng gvaek youq baenz aen baenz aen gien nei, mboujlwnh mwngz baenzlawz cukcak hix biq mbouj duet, hix saet diuq mboujgvaq diuz mieng hung aen gien nei. Laemxseiz, neix couh lumj mehmbwn dingh le, byawz cungj mbouj miz banhfap gaijbienq.

Aen mingh Fangh Yizboh couh-dwg haujlai aen gien yienhneix.

Aen gien daih'it seiqvunz de, dwg dai ngeihcib ngeih bi haenx hainduj.

Mwhhaenx bi 2000 ndwen 7, de ngamq dai veiswngh yozau bizyez okdaeuq, couh ndaej faenboiq daengz aen yihiyendaw yangh bae guhhong. Aenvih de dai seiz iq couh maq-muengh majhung le guh husw, ndigah baez ciep ndaej gij siusik faenboiq, aen loqsiengi bonjfaenh caen ndaej saedyienh lo, de angqyangz dangqmaz, diuq hwnj diuq roengz, ndawsim beij gwn dangzrwi lij diemz!

Bauqdaengz ngoenzhaenx, de caeuxcaeux couh rom ndei buhndang, youq gij sing raeb bohmei ndawde angqvauvau diuq hwnj banci bae lo. De faengzfebfeb lumj mbungqmbaj nei, itloh eufwen itloh riunyumj.

Banci hai bae song aen lai cung-daeuz lo, gvaq diuz loh bingzrwdrdw le, youh hwnj diuz roen rinsa, cijraen seiqlengq cungj dwg gofaex mwncup-cup, goengq bya sangsetset, moek-moenq mbinfoenfoen…… Fangh Yizboh yied naengh yied hojsouh, fwt roxnyinh congghoz soemjgad, ndaw dungx foekfan mbouj dingh, rueg sam seiq baez bae, hoeng aen banci lij caengz hai daengz giz aeu bae haenx!

De simvueng lo, gangj mbouj ok vihmaz. De lumj rox swheij mbouj dwg bae hwnjban, dauq lumj aeu roengz aen raemxraengz laegletlet bae nei. Gij simcingz angqvauvau gyanghaet fwt siu sat lo, gaenq ra mbouj raen saek ngauez saek riz lo.

De roxnyinh miz saeh yak cingq humx dawz daengx ndang swheij, de cieq lau cungj roxnyinh neix lo. “Bei, bei, bei! Ngoenzneix dwg ngoenzndei, gaej luenh siengj luenh you gag hwk bonjfaenh baenzlai ne!” De sikhaek gag nai swheij. Hoeng, gij heiq ndaw banci youh hawj de gyauej ngunh rubmyaiz geij baez, doeklaeng caen nyaenx mbouj ndaej youh rueg baez dem!

Daengz aen haw iq seiz, bouxhaici sing hung heuh: “Daengz cehcan ndaw yangh lo, byawz aeu roengz couh roengz!” Banci lij caengz daengx maenh, Fangh Yizboh hojsouh lai lo, de ndwn hwnjdaeuq. Gyoengqvunz naengh baiz laeng daeh gij baufug hunghung iqiq cung gvaqdaeuq, de song ga caengz cap ndaej maenh, couh deng gij baufug haenx caenx ndaej yaek benj bae, de youh ca di rueg okdaeuq lo.

•sawcuenh•



Fangh Yizboh nyaueq bwnda gotdawz daehbuh de, song ga lumj mbouj ndaej bungq dieg nei, riengz gyoengqvunz caenx roengz ci bae lo.

De langhda yawj coh aen haw iq, aen “cehcan” neix iquetet caemhcai q gaeuqgoeggoeg, engq mbouj yungh gangj nauhyied mbouj nauhyied lo. Dieg “cehcan” neix cij mboujgvaq dwg gaiq dieg gyauej haw dingz ci ndwi, gyoengq banci doxcomz daengx youq gizneix, baez nanz couh bienq-baenz aen “cehcan” lo.

Aen haw aiq miz cibgeij mij gvangq, caet betcib mij raez. Song henz cungj dwg gij ranzvax daemciengz, yawj hwnjdaeuq aiq dwg haj roekcib nienzdaih couh guhbaenz. Gwnz ciengz cungj deng hoenzfeiz oemq ndaej ndaemndwtndwt, vanzlij deng gij rumzfwndwk ndaej baenz luengq baenz luengq. Gij vax gwnz dingjranz hix ndaemndwt youh naek-caem, lumj baenz bang bangjbuq nei boemz youq gwnzde. Gyang gai bu rim gij rin hung iq mbouj doxdoengz caemhcai q doeddiedied, aiq dai ndaw dah lauz hwnjdaeuq, bouxlaux caeuq lwgnyez byaij gvaq seiz, caen lau gyoengqde deng laemx.

“Neix couh dwg aen haw ndaw yangh?” Fangh Yizboh gag nam, ndawsim doeksaet lo, de dai yienhsingz daeuq, baez daih'it raen gwnz haw yienhneix, de cungj laihaenx gwnz haw ndaw yangh itdingh gvangq-langh youh nauhyied.

“Dahlan, neix mbouj dwg ‘diuz gai’, dwg ‘diuz haw’ bw! Yawj mwngz mbouj lumj vunz dieg neix, dwg baez daih'it daengz neix cunz caencik lwi?” Bouxhaici cungnienz gven dou

ci le, ngeuxgyaeuq riunyumj caeuq de naeuz.

“Dwg ha—— O, mbouj dwg……” Seizneix Fangh Yizboh gingqyienz mbouj rox baenzlawz gangj, cijndei gaijbak cam bouxhaici naeuz: “Boh-au, aen yihiyendaw yangh baenzlawz bae ni?”

Bouxhaici naeuz yaek bae yihiyendaw couh baenzneix baenzneix byaij. Fangh Yizboh van gvaq diuz haw baihdoeng, youh byaij gvaq diuz roen caemrwrwg ndeu, cij ra daengz dieg. Baez raen daengz aen yihiyendaw iquetet, de fwt soeng gaemz heiq he, naenghcei baenzlai nanz, dauqdaej daengz lo.

De baenzlawz hix mbouj rox, neix couh dwg aen gien daih'it seiqvunz de.

Ngeih

Fangh Yizboh byaij haeuq bakdou bae, yencangj Vangz Cing okdaeuq cieq de, youh daegbied anbaiz bouxcoz Lij Dungh bang de buen hingzlij, cingjleix ranzrug…… Vanzlij gaj gaeq ceuj byaek ciepdaih de dem. Neix hawj Fangh Yizboh gamjdoengh dangqmaz, gij hojsouh naenghcei caeuq gij dungxmbouq gaenq siu bae haujlai.

Yencangj Vangz Cing gaenq ndaej hajcib ngeih bi, Lij Dungh dwg boux canghyw, beix Fangh Yizboh haj bi, songde cungj dwg vunz bonjdieg. Fangh Yizboh hwnjban le, caeuq lingh boux husw Dangz Siujdingz doxgap ndaej cieq ndei, songde caemh gwn caez youq. Aen yihiyendaw iquetet neix couh dwg sei q boux neix “danggya”, gyoengqde ngoenznaengz doxbang doxgiet, gij saedceij gvaq ndaej haemq

doxhuz doxonj.

Aen yangh neix liz yienhsingz miz betcib sam goengleix, baez gvaq dah couh dwg lingh aen yienh, gij saedceij vunzmbanj gvaq ndaej hoj di. Moix ngoenz roengzban le, Fangh Yizboh cungj haengj youq henzgaenh byaijbyaij. De roxnyinh gizneix cawz-liux diuz haw geijcib mij haenx miz gaicawx, lij miz cwngfuj, yihiyendaw, hagdangz daengj geij aen danhvei iquetet le, gizyawz dieg wng caeuq ndaw mbanj ca mbouj geijlai. Daengx haw moix aen danhvei bouxvunz guhhong gig noix, lumj duz roegbeih nei, yienznaeuz iquetet, hoeng ndaw dungx yienghyienh cungj miz. Fangh Yizboh byaij saek geij baez couh sug liux lo, menhmenh couh roxnyinh mbwq lo.

Fangh Yizboh moix ngoenz hwnjban roengzban, aen yangh neix baez sam ngoenz baenz ngoenzhaw, ngoenzhaw cij miz saek boux vunz-bingh daeuq aeu di yw dwgliengz, boux binghnaek cungj bae yen yihiyendaw yawjbingh ywbingh lo. Mizseiz ndaej-hoengq, de hix bae haw byaijbyaij, cawx di byaek, yawj gyoengqvunz Mbanjcuengh cinghseuq lauxsaed baebae dauqdaeuq, cimh huq ganggyaq guh gaicawx…… Cijmiz seizneix de cij rox miz di nauhyied. Gyoengqvunz haetromh byaij sam sei q goengleix daeuq ganj haw, cawx ndei gijgwn gijyungh, youh gaenjgip ganj maranz lo. Ndigah, ngoenzhaw baez daengz banringzgvaq couh sanq lo, gij nauhyied hix couh sanq lo. Caj vunz sanq le, gwnz haw iquetet neix youh dauq caemrwrwg moq lo.

Fangh Yizboh dai iq couh youq ndaw yienhsingz majhung, de youq gizneix guhhong gvaq saedceij, roxnyinh ca ndaej hung lai, caen miz di gwn youq mbouj gvenq, baenzneix de miz di naiqniekniek, guh maz cungj mbouj miz rengz. Caiq baenzneix guh roengzbae, mboujdan mbouj miz cinbu, vanzlij sai gij seizgan seizcoz bonjfaenh bae dem. Baez siengj daengz neix, de couh fan bae boek dauq ninz mbouj ndaek.

Caenh neix, Lij Dungh cingq siengj aeu Fangh Yizboh guh dahyoux. Aenvih Fangh Yizboh caeuq Dangz Siujdingz caemh gwn caez youq, Lij Dungh vihliux hawj Fangh Yizboh mbouj baenzneix najmong, guh maz bae gyawz cungj swnh miz faenh Dangz Siujdingz. Raen Fangh Yizboh mbwq lai, de couh siengj banhfap ciq saw daeuq hawj Fangh Yizboh caeuq Dangz Siujdingz yawj, roxnaeuz bae co denyingj gvanghdez daeuq cuengq hawj song dah neix yawj. Ndaejhongq couh cawx noh ceuj byaek hawj song dah neix gwn, roxnaeuz daiq song dah neix bae henz dah youzraemx, ep bya……

Lij Dungh yienhneix guh, dauqfanj hawj Dangz Siujdingz dem liux haujlai maqmuengh caeuq yousim.